

EAJk zuhur baloratu du bilera, eta PSOErentzat, berriz, porrot egin du

Espainiako Gobernuak dio lankidetza ahalbidetu duela, ezberdintasun sakonak egon arren

Erredakzioa / Donostia

EAJko EBBko presidente Xabier Arzalluzek zuhur baloratu zuen atzo Espainiako eta EAEko gobernu-buruen bilera. Esan zuen ez dela akordio konkreturik aurrera atera, nahiz eta orain arte izan duena baino jarrera zabalagoa nabaritu Aznarri. PSOE alderdiko agintariak, oster, uste dute porrot egin duela bilerak, eta Ibarretxek ez duela proposamen argirik eraman Madrilera. Espainiako Gobernuak uste du lankidetza instituzionala ahalbidetu duela, ezberdintasun sakonak egon arren.

Xabier Arzalluz • EAJko EBBko presidentea

«Ez da aurrerapausorik egon, Aznarrek jarrera irekiagoa izanagatik ere»

► «Ez da akordio konkreturik egon, ez eta aurrerapausorik ere. Agian, Ibarretxek proposatutako mahai berriaren inguruan ez da orain arte egon den jarrera hertsia izan. Baina ezin da esan jarrera irekia izan duenik Aznarrek. Ibarretxek proposamenak argi eta zehatz egin zizkion Aznarri, eta hizkuntza hori komeni zaio Aznarri, gutxienez Ibarretxek esan nahi dionaz jabetzeko, eta horrelako kasuetan ez da ohikoa izaten ulertzea hizlariak esan nahi dutena. Ibarretxe itxaropentsu irten zen bileratik, elkarriketaren sinesten duelako».

Joaquin Almunia • PSOEko idazkari nagusia

«Bilerak porrot egin du»

► «Dezepzionagarria izan da Ibarretxeren eta Aznarren arteko bilera. Porrot egin du, ez delako inolako akordiorik lortu, eta Ibarretxek berak ez duelako Madrilera proposamen konkreturik eta berriak eraman. Aznarrek ere ez zuen aurrea hartzeko nahikoa gaitasunik erakutsi. Bilerarekin badirudi argazkiaren bila joan direla soilik, eta argazkia baino garrantzitsuagoa da gaitasuna adieraztea demokraziaren printzipioak defenditzeko».



JOSE HUESCA / EFE

Juan Jose Ibarretxe EAEko lehendakaria atzo, kazetarien aurrean.

Joseba Permach • HBko bozeramailea

«Inmobilismoak Espainiako Gobernuaren inteligentzia eskasa ordezkatzen jarraitzen du»

► «Espainiako Gobernuak, kasu honetan Aznarren birtatez, berriz ere erakutsi du burugogorkeria, zorrotasuna eta immobilismoa, tinkotasun demokratikoaren irudi faltasupean. Inmobilismoak Espainiako inteligentzia eskasa ordezkatzen jarrai-

tzen du. Preso politikoen kolektiboa bakearen aldeko edozein ekimen geldiarazteko giza ezkutu gisa erabiltzen du. Demokrazia, subiranotasuna eta bakea lortzeko bidean Espainiako Gobernuak ezinezko baldintzak eta oztupoak jartzen dituena. Hala ere, immobilismoak ez du aldatuko Herri Batasunak egiten duen apustua prozesu demokratikoan, eta prozesu hau lehortzeko jarrerari zuzentzen politikoak erantzun diongu».

Carlos Garaikoetxea • EAJko presidentea

«Agerian geratu da Aznarrek ez duela jarrera mikrometro bat ere mugitu nahi»

► «Alderdiak izugarritzko etsipena sortu digu. Uste baino dezepzionagarriagoa izan da bilera. Agerian geratu da Aznarrek ez duela bere jarrera mikrometro bat ere mugitu nahi. Nahiz eta azken egunotan itxaropena zabaldu den euskal alderdien jarrera zabalagoa dela-eta, prozesu

hau gehien bultzatu behar lukeenak ez du mugimendu bat bera ere onartzen. Aznarrek jarrera horrekin jarraitzen badu ezkortasun sententzia zabalduko da guztion artean. Hala ere, bat-bateko azterketa izan da, eta Ibarretxerekin hitz egin ostean egin ahal izango da balorazio sakonagoa».

Angel Acebes • Espainiako Administrazio Publikoetako ministroa

«Lankidetza instituzionala ahalbidetu du, nahiz eta ezberdintasun sakonak egon»

► «Mahai batean baldintzak dira garrantzitsuenak, ez mahaiaren izena. Garrantzitsua da eztabaidarako foroa egotea, elkarretaratzea, baina jakinda zertarako eta zein baldintzatan. Baldintza horiek dira elkartzea indarkeria argi arbuatzen dugunok, eta bakea eta demokrazia edozein ideiarekin aurretik jartzea. Uste dut oso garrantzitsua dela mantentzea Ajuria Eneak izan duen esanahia eta oraindik ere esan nahi duena. Atzo Gobernuak presidenteari Ibarretxeri helarazi zion eztabaidarako duen jarrera bakea lortzeko helburu bakarrarekin. Bilerak baina izan dela uste dut, lankidetza instituzionala izatea ahalbidetu duelako, nahiz eta diferentzia sakonak egon».

Javier Madrazo •

IU-EBko koordinatzaile nagusia

«PPren gobernuak gezurretan ari da»

► «Aukera bat galdu da; bakea eta elkarriketaren prozesu bat abiarazi nahi duen gizartearen itxaropenak zapuztu ditu. PPren Gobernuak gezurretan eta iruzurretan dabil aspalditik. Lehenengo esan genuen su-eten mugagabe batekin Ajuria Eneko 10. puntua aktibatze momentua zela, horrek ematen du ez zuela balio. Gero esaten zen kale borroka amaitu behar zela, murrizten ari dela dirudi, baina hala ere orain ere ez omen da une egokia. Gero eskatzen zen HB biolentziatik desmarkatzeko eta ematen du egiten ari dela, baina Aznarrentzat oraindik ere ez da momentua. PPren Gobernuak aitzakiak jartzen ditu behin eta berriro bake prozesuari oztupoak jartzeko eta aurrera ez egiteko».

Ibarretxe: «Hitz egiteko ez da mugarik ezarri behar»

■ ATZO Juan Jose Ibarretxe EAEko lehendakariak Madril kazetarien aurrean eskakizun bat egin zien politikoei: «ETAren su-etenarekin zabalduetako prozesua amaitzeko foro bat osatzeko ahalgina» egin de- zatela.

Ibarretxek adierazitakoaren arabera, alderdi guztiak bilduko dituen foroak osatzeko ez da baldintzarik, ez eta mugarik jarri behar. Esan zuenez, Kons-

tituzioa, Autonomia Estatutua edota independentzia ezin dira muga izan hitz egiteko. Alderdiei ezin zaie eskatu haien ideiak alde batera uzteko, Ibarretxeren ustez, eta gaineratu zuenez, «ideiak kondenatzen badira bake prozesuari oztupoak ezartzen zaizkio».

Ibarretxeren arabera, osatzeko dagoen foroak EAEko alderdi politikoen planteamendu juridikotik abiatu behar

du, uste duen arren beste eremu batzuetan Nafarroan eta Iparraldean errespetatu beharreko hausnarketak egin behar direla.

Jarraitu zuen esanez alderdien arteko ezberdintasunak ezin direla ezkutatatu. Era berean, «aniztasunean oinarriturik» foroak sortzen denean berme sendoei egin behar dela esan zuen: «Ezin dugu denok batera sartu eta banaturik atera». Esan zuenez, «Ajuria

Eneak itxurazko kontsentsuak ikus-tarazten zizkion gizarteari, eta horrek frustrazioa sortzen zuen». Ezin da orain hori gertatzen utzi, Ibarretxeren ustez.

Aznarrek izandako bilerari buruz ez zuen baloraziorik egin nahi izan, pre-soei buruzko galdera mahai gaineratu bazuen ere: «Espetxe politikari buruz Kongresuak hartu erabakia non dago, Gobernuak ez badu jarrera aldatzen?».